

Pipo, 2j.



suechet es näiies Daheime i Wohnigshautig

Liebi Tierfründe

Lueget einisch, bin ig nid ganz en grosse Chatr? Ig bi dr Pipo uf dr Suechi nach eme näiie Daheime. Warum? Sy hei mi aus Bébé vo eme Buurehof grättet u itze wohn ig siit zwöi Johr bi enere liebi Frou, abr leidr ou mit ere angeri Chatz zärme. Die schtresset mi würklech, bi ou scho mängisch uf sy los, ig wär doch so viu liebr Alleiprinz. Drum!

Ig bi chohlrabeschwarz (elegant, gäu?), 2jährig, kaschtriert, gimpft, schtuberein u verschpiut. Ig sueche ou immr d'Nächi vo mim Mönsch. Du danksch, e Troumchatr? Schtimmt, das bin ig, aaaaber: itze chunnt's. Ig bi nid ganz gsung, ig ha es Härzgrüüschen, das heisst HCM, e Härzerchrankig, nid heilbar abr mit Medis i Schach z'haute. U das koschtet haut es bitzeli, d'Medis u dr Doc u d'regumässigi Chontroue. Abr ig bruuches eifach, damit's mir guet geit, süsch wärd ig nid aut. Meinsch Du, das isch dinne bi Dir? Ig sött ebe drum es ruhigs entschpannts Plätzli ohni Schträss ha. Ig mag ou immr wiedr mini Rue u ziehe mi denn zrugg. Bi Frömdi bin ig ziemlech en Schüecher, es wird duure, bis ig mi zeige u es bitzeli Vertroue fasse. Apropos Fasse: Aafasse isch ou nid immr so mis, u mängisch isch Schmüsele ou gar nid so schlächt. Ig wott abr säubr entscheide, wenn, bi gärn bi mim Mönsch, abr es bitzeli Abschtand ufm Sofa het ou öppis.

Ig wünsche mir es ruhigs entschpannts Daheime bi liebi Lüüt, die wo mi uf Läbensziit wönnnt verwöhne u piinlech uf mini Gsundheit luege. Dört, wo ig sy dörfti, wie ig bi. Ching u angeri Huustier wott ig nüm. E Wohnig mit gsicheretem Baukon odr gsicheretem Garte, das wär schö, zum Sünnele u Vögeli beobachte. Freigang sött ig nid ha wäge mineri Gsundheit. Geits bi Dir gmüetlech u ruhig zue? U wärsch Du nid enttüscht, wenn ig nid so dr Schmusetigr bi? U hettsch mi trotzdem lieb? U würdsch Du uf mini Gsundheit luege? Das wär's. Denn müesset mir üs unbedingt lehre chenne. Ig wohne derziit no z'Zürich/ZH, zügle abr gärn zu Dir, wo ou immr Du wohnsch. Mäud Di doch ganz glii bi dr Sonja Ball. Sie het sich mir aagnoh u suechet für mi das näiie Plätzli. Ig tröime scho einisch vo üs!

Din Pipo



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch